

Դարդանելը անցնելու ժամանակ ափերը յախ-
ճապակիի թնդանոթներով կրակեցին, եւ Սուլ-
թանը ոսկէ իր արկղից մեծ մի կտոր հաշիչ
հանեց ու կերաւ:

Այն օրը Պոլսոյ ծովը ալեկոծուած էր:
Մինարէները ծխնելոյգների վերածուեցան, եւ
Գալթայի կամուրջը, եւրոպական ափը լքե-
լով, դնաց հին Սերայի առջեւ կանգ առաւ:

Այս Սոփիան իր դազաթին խաչ տնկեց:
Սուլթանների մզկիթները սողացին հսկայ մի-
ջատների նման: Գալթայի աշտարակը հա-
ռաչեց եւ վայր ընկաւ:

Բայց Մաղօննան Պոլսում չուզեց մնալ:

Փոքր Ասիոյ վրայ մրրիկ էր փչում, գիւ-
ղեր եւ քաղաքներ էին այրւում: Ռուսաստանը
ոռնում էր երկինքի դէմ:

Զարկաւ եօթը դուռ Մաղօննան եւ մէկը
միւսի ետեւից անցաւ:

Հիմա հասել է Հայաստան: Ձէ՞ք հաւա-
տում. դնացէք տեսէք, որբերի գիւղը տանող
ճանապարհի վրայ: Մարդարապատում:

Մաղօննան թառամել է: Հովերի աղոտ-
ները պատուել են նրա գոյնգոյն զգեստները:
Դէմքը դալկացել եւ կնճիւղներով է ծածկուել,
աչքերը փոս են ընկել եւ վախով նայում են
հեռուից մօտեցող գայլերին: Ոտքերը մերկ
են, վիղբ ծուած:

Մահմանից այս կողմ փախչող գաղթական
տատը կանգ է առնում նրա առջեւ եւ կրծքին
զարնելով դանդատներ ասում: Գիւղացի Հա-
մօն չարչարուած ոտքերից տրեխները հանում
է եւ արիւնը մաքրում: Որբերը նայում են, ի-
րենց մայրը յիշում եւ կսկիծով հեռանում:

Մաղօննան մնացել է քարացած: Նա էլ
յետ չի վերադառնալ, նա գտել է իր հայրենի-
քը...

* * *

Ահա եկել ենք ու մեր նիհարած մատերով
փորում ենք սառն ու քարացած այդ հողը: Մեր
սրտի արիւնով յազեցնում ենք նրա ծարաւը,
մեր մտերով նրա քաղցը:

Ծառը իր արմատն է փնտռում:

Բայց արմատը պիտի բոլորուի՞ հողի
չուրջը, պիտի կարողանա՞յ ներս նետել իր ծա-
րաւ եւ անօթի ծայրերը:

Եկել ենք տարբեր, տարբեր հոգիներով:

Ներս ենք մտել լեռների մէջ, խնթացած որ-
տորդի նման եւ կանգ ենք առել անուժ:

Երազները անհետացած են: Դարերի միջից
եկած առասպելը ջարդել է իր գլուխը ժայռերի
դէմ: Դեղնած էջերի վրայ բոլոր գրեթէ խառ-
նուել են:

Եւ սակայն պէտք է ապրել:

Սերգէյ Վարդանեանը կամացուկ ներս է
մտել եւ մեզ աչքով է անում: Կոնեակի շէշը
գրպանին, ուստիլքները կապոյցների մէջ, նա
մեզ հրաւիրում է տաքանալու:

Ու մէկը բիւսի ետեւից դուրս ենք դալիս:
* * *

Մանդուխները բարձրանալու ժամանակ,
«Այօր իմ տօնս է», ասում է Սերգէյը, «ոչ ու-
րի չասես»: Սեղմում եմ ձեռքը: «Սենեակում
ուրիշ մարդ կայ, ձայներ եմ լսում»: «Եկել
են», պատասխանում է Սերգէյը, «ոմանք հրա-
ւիրուած, ոմանք ոչ»:

Երեկոնները, Վարդանեանի դուռը ամէն
մարդու առջեւ բաց է: Գինին անպակաս է, ու-
տելիք կայ: Յորեկը աշխատում է, առաւօտ-
ուայ եօթից ոտքի վրայ է. այցելում է դարոց-
ները, կարգադրութիւններ անում, պաշտօն-
եաները ընդունում: Կէսօրից յետոյ, Սերգէյը
կաշին փոխում է, ապրում է իր կեանքը:

Դուռը բացուել է: Վիճարանում են պոռա-
լով:

«Մենք հայերս», — բացականչում է Զօր-
եանը, աթոռի վրայ անհանգիստ օրորւելով,
— «մենք ապրում ենք երկու բեւեռների մէջ
ճգմուած»: Կեր ու խումբ վաղուց է սկսուել:
Սեղանը զարգարուած է: Ելեքորական լամ-
պայի տակ շէշերը փայլելում են: Լրագիրների
վրայ հաց, ձուկ, խաւեար, անկանոն նետուած
են, եւ պատահական բաժակները լեցուն են:

Ինձ անձանօթ դէմքեր էլ կան:

Պատուհանից, Արարատի դազաթը ձերմակ
ուրուականի նման ներս է նայում: Սենեակը
ծուխով լեցուն է:

— Ձէ, չէ, — Ա-ն վառում է իր ծխամուր-
ճը, — չէ, ես այն տեսակէտի վրայ եմ»...

— Թոյլ տուէք ասեմ, ընկեր, — սենեակի
խորքում մի ստուեր է բարձրանում, բարձր
կօշիկներ հազած, ուսական երկայն շապիկ,
դէմքը ծուխի մէջ անորոշ, — «Թոյլ տուէք նո-
րից կրկնեմ, որ դուք, բուրժուա մտաւորա-